

KOMOORORWA
ESHAARA
Z'OMUTAANO
KWEZI KWA
MUZIMBEEZI
KUZA OMU MWAKA
MUTSYA

OKUTONA

Ahari ibara mwana wa Ruhanga
orikwanga kuhendera omwaka atyo
atyo.....

Ahari ibara nkunzi y'okushaba,
orikwetegyereza ngu obwire bugira
emiryango y'okwigurwa

Ahari ibara mwikiriza,
orikwetegyereza ngu eshumi zoonza
niziragirwa, baitu kutari
kutegyereza.....

Ahari ibara muntu orikwanga
kwekorera engamba ezahwaireho
n'okuzitwara omu mwaka
musya.....

Ahari abo abaine ekyetengo
ky'okutambuuka kuza omu mwaka
musya baine omuriro
ogurikwera.....

Ekitabo eki n'ekyanyu.

ENYANJURA

Ibara mwaka niguhera
n'omuryango gw'eby'omutima, kandi
na ibara mwaka musya gwija
gutandika n'ogundi. Abo
abatarikukingira emiryango
y'eby'enyima bakigenderere, nibajja
kwekorera engamba zitahwairi
bazitware omu shumi ensya. Abo
abarikuremwa kwigura emiryango
yaabo emisya n'amaani g'endagaano,
nibajja kutaaha omu mwaka musya
bataine bikwato.

**Eki ekitabo nikyo kikwato
kyaawe ky'okurwanisa.**

Nikiija kukuhwera kurabira kimwe omu mpindahinduka kuruga omu biro by'omwaka ebirikuhereruka, kuhika aha kutaaha omu biro ebirikubanza eby'omwaka omusya. Ekitabo kitebeekanisiibwe kukuhwera:

- ✔ Kugyendera omu kweteisa
- ✔ Okusiima Mukama
- ✔ Okwosya amatambiro ga Sitaane, n'okuhunamisa amaraka amabi ag'obwire bw'enyima.
- ✔ Okubyara ebijuma by'okuhikiirira ahabw'omwaka ogurikwija
- ✔ Kurwanirira obusinguzi n'okugumizamu n'orugyendo rw'oburikwera
- ✔ Okutaaha omu mwaka ogurikwera n'obwetegyerezi, oburikwera, okwehayo n'omuriro.

- ✔ Okwongyeramu amaani omu biro ebirikubanza eby'omwaka musya
- ✔ Okwimuka n'omuhimbo n'okwikiriza kusya
- ✔ Eki ti kitabo ky'okushoma kwonka.
- ✔ Eki n'ekitabo ky'okukureetera kushaba n'omuhimbo.

OKU ORAAKORESE EKITABO EKI

Eshaara zitebeekanisiibwe omu bicweka bina bikuru:

- ✔ Kuruga ebiro 1/12 kuhika 16/12
- ✔ Kuruga ebiro 17/12 kuhika 24/12
- ✔ Kuruga ebiro 25/12 kuhika 30/12
- ✔ Kuruga ebiro 31/12, hamwe n'ashaara z'okutambuuka kuza omu

kwezi kwa Biruuru.

Buriijo tandika n'akamanyiso
k'Omusharaba, Taataitwe, Kasingye
Maria, kandi ohendere
n'akamanyiso k'Omusharaba.

- ✔ Singiza kandi ohimbise Ruhanga.
Yeshongore ebyeshongoro
by'okuhimbisa waaba noobaasa!
Tandika eshumi otungire kurungi
amasakaramentu, ku oraabe ori
omukatuliki.

- ✔ Tandika ibara kicweka
n'ekigyendererwa – kandi reka
kutaragaza. Shoma eshaara
z'akasheeshe n'ez'omwabazyo
nk'oku kirikworekwa omu kitabo,
orikuzigarukamu buri izooba,
nk'oku ibara kicweka
kitebeekanisiibwe.

Yeetegyereze eshaara z'okutaaha omu mwaka musya, nk'oku ezi ziri nkuru munonga ahabwawe kutaaha omu mwaka musya.

- ✔ Tahoe obwire burikushushana bw'okushabiramu ahabwa ibara izooba, na munonga omu bwire bw'akasheeshe kare, nari omu kiro obu omutima gurikuba gwetebeekaniise ekirikumara.
- ✔ Kyaba nikibaasika, osiibe rimwe omu wiiki okwenda kuhikaanisa omutima gwawe n'ekyetengo kyawe eki orikuronda.
- ✔ Gumya haihi n'ah'okuhandiika kwenda kuhandiikamu ebirooto, ebi waareeba, hamwe n'ebigambo bya Mutima, nari ebihaburo ebirikwera ebi orikutunga waaba ori omu kushaba.

- ✔ Ohikaane na ibara kicweka, orikushusha oti nyensya yaawe niho eyegamiire – ahabw’okuba omwaka musya n’obusinguzi bwawe nikwe biri.

EKICWEKA KY’OKUBANZA:

**01-16 MUZIMBEEZI
OKWETEISA, OKUSIIMA,
OKUKIZIBWA HAMWE
N’OBUSINGUZI
BW’OBUSHOBOOROZI**

Eshaara z’akasheeshe

- ✔ Taata ow’omu iguru, omu iziina rya Yesu, omwaka ugu oku gwairirira kuhendera, ninyija omu maisho gaawe n’omutima gweteisiize kimwe.

Ninyijuka ibara kibi, amaani makye hamwe n'obweremwa ebi naagizire omwaka ugu, hamwe n'emyaka ey'enyima. Nyozya n'eshagama ya Yesu, kandi oyeze n'omutima gwangye.

✔ Mukama Yesu, onsaasire ibara murundi ugu nagerizeho kwehuza eiraka ryawe, kugyendera omu kutiina, nari kukugomera omwaka ugu. Garura busya okwikiriza kwangye, omuhimbo gwangye, hamwe n'okwehayo kwangye omwaka ugu gutakahwaze.

✔ Taata ow'omu iguru, ninyeteisa ahabwa ibara kigambo eki ndagambiire eryo, ebiteekateeko bibi, hamwe n'ebikorwa bitari birungi ebisaasize omutima gwawe omwaka ugu.

Yeza eminwa yangye, ebiteekateeko
byangye hamwe n'ebikorwa
byangye.

- ✔ Mukama, ninyeteisa ibara kaanya
obu ndikubangaanisa aha bi
waaraganiise, nkeegamira amaani
gangye gonka, nari nkatiina
ebirikwija. Nyongyera okwikiriza,
kandi ontemu omuhimbo
gw'okuheza omwaka ugu
n'obusinguzi.
- ✔ Taata, onsaasire ahabw'ebyandemire
kuhikiiriza, kuheereza nari okutwara
obukama bwawe omu maisho
omwaka ugu. Igura emiryango
misa y'omugisha, hamwe
n'emirimo y'okukora omu biro ebi
ebirikuhereruka.

- ✔ Mukama Yesu, ntambira ebironda byangye eby'ebiteekateeko, eby'omubiri hamwe n'eby'omutima, ebi ntwire nabyo omwaka ugu. Buri kimwe ekibaire nikingarura enyima okihindure obujurizi bw'ekitiinwa kyawe.
- ✔ Taata ow'omu iguru, ninkusiima ahabw'embabazi zaawe, oburinsi hamwe n'obworekyerezi bwawe okuraba omu mwaka ugu. Nangwa n'omu bigyezo, omukono gwawe gugume gumbangiire.
- ✔ Mukama, ninyesiimira omuri byona ebi ompeereza, ebyokurya bya buri izooba, obutaaho, emikago hamwe n'omugisha ebi ompaire omwaka ugu.

- ✔ Taata ninkusiima okugarukamu eshaara zangye, obusinguzi hamwe n'ebirikutangaaza byona ebirikureebwa n'ebitarikureebwa, ebibaireho omwaka ugu.
- ✔ Mukama Yesu, ninkusingiza ahabw'okugaruraho obuzaare, okugarura busya amagara hamwe n'obusingye, ebi ompaire omwaka ugu..
- ✔ Taata ow'omu iguru, yebare okunjuna, obusinguzi bw'aha musharaba, hamwe n'amatsiko agarikuntwara kumpitsya omu mwaka musya.
- ✔ Mukama, ninyesiimira obwire bw'okushemererwa, okusheka hamwe n'obusingye ebi wampaire omwaka ugu, hamwe n'eka yangye.

- ✔ Taata, yebare kunkuza omu kwikiriza, ebyegyeso byawe, hamwe n'obwengye ebi ompaire kuraba omu mwaka ugu.
- ✔ Mukama Yesu, yebare kundiindisa Maraika waawe, obworekyerezi, hamwe n'obuhwezi obutarikureebwa ebi ompaire omu mwaka ugu.
- ✔ Taata ow'omu iguru, ninkusingiza ahabw'amaani g'okwimuka agu orikumpa buri izooba, okunsinguza ebigumire, n'okujurira ekitiinwa kyawe omu mwaka ugu.
- ✔ Mukama, nk'oku okwezi oku kwagyenda nikuhendera, mpa amaani mpeendere omwaka ugu n'okwikiriza, n'ebi ndikuteekateeka kutunga, kandi nyeteekateekire n'okwakiira obusinguzi oburikuruga omu iguru.

- ✔ Taata ow'omu iguru, yoohereza obusinguzi bw'omutaano omuri ibara kicweka ahu nshangire okukyerererwa nari okuremeererwa omu mwaka ugu.
- ✔ Mukama Yesu, igura enyigi ezi ondiiho muntu atakaabaasa kukinga, kandi okinge ibara rwigira orurikutoora omu kuhwerekyerera, omwaka ugu gutakahwaire.
- ✔ Taata, sheenyagura ibara itambiro ry'obutatebeekana, ery'okuribatiirira, kandi n'ebirikumpinda omu magara gangye omu mwaka ugu, omu iziina rya Yesu.
- ✔ Mukama, garuraho ibara murimo ogwabuzire, ibara mugisha ogwaibirwe, hamwe n'omugisha ogwakyererezeibwe, nk'oku

omwaka ogu gwaza kuhika aha kuhendera.

- ✔ Taata ow'omu iguru, shumuurura enkora kuruga omu iguru, obwengye hamwe n'okuhangaho busya ekiraije kureetaho okuhika aha businguzi, hamwe n'okutwaririza omwaka ogu gutakahwaire.
- ✔ Mukama Yesu, nyihaho okutiina, okubaangaanisa, n'ebirikumara omuhimbo omu mutima gwangye, omu mwanya gwabyo otemu okwehayo n'okuhama.
- ✔ Taata, nincwa ibara mukyeeno, akarande, hamwe n'ekigambo kibi, byona ebigumire bindemeise kutunguuka omwaka ogu.
- ✔ Mukama rahutsya juba ibara mugisha, hamwe na ibara murimo obu ndiyo ninyorekyerera kuheza omwaka ogu.

- ✔ Mukama rahutsya juba ibara mugisha, hamwe na ibara murimo obu ndiyo ninyorekyerera kuheza omwaka ugu.
- ✔ Taata ow'omu iguru, hindura busya ibara kyeiremeezi, okugyezibwa, hamwe n'ebirikuteganisa, na byona ebi ndabiremu obihindure obujurizi bw'ekitiinwa kyawe.
- ✔ Mukama Yesu, nyongyera omutima gw'okuguma ninshaba obutaruha, n'ekihika ky'okugira eki naatunga, hamwe n'obusinguzi omwaka gurikuhwa.
- ✔ Taata, yoheereza obuhwezi bwa Maraika waawe, obworekyerezi, hamwe n'oburinzi bwawe ahariinye hamwe n'eka yangye, omu biro ebi ebirikuhereruka eby'omwaka.

- ✔ Mukama, cwa ibara karande
k'oburwaire, obworo, okuremwa,
hamwe n'okukingirwa, ebigyerizeho
kunteganisa omu mwaka gwangye.
- ✔ Taata ow'omu iguru, nindangirira
obusingye, okurabamu, hamwe
n'obusinguzi ahari ibara buremeezi
bw'okusyaraara, okuteganisibwa,
hamwe n'okuremererwa omwaka
ogu gutakahwaire.
- ✔ Mukama Yesu, mpa amaani
g'okuhika omu biro by'okuhereruka
eby'omwaka ogu nyine
okwikiririza, okwehayo, n'ekihika
ky'okugira eki naatunga,
nyeteekateekire kutunga omugisha
gw'omutaano, ebirikutangaza,
hamwe n'obujurizi
oburikusheneneka kutaaha omu
mwaka musya, omu iziina ryawe
ery'obushoboorozi.

Reka omwaka ogu guhwe
n'obusinguzi n'ekitiinwa omu iziina
rya Yesu.

ESHAARA Z'OMWABAZYO:

CWEREKYEREZA N'OMURIRO AMATAMBIRO G'OMUBI, OHUNAMISE AMARAKA MABI GA IRA

- ✘ Omu iziina ery'amaani erya Yesu,
ninyija ahari iwe eki kiro, Taata
ow'omu iguru, kusheenyagura
n'okucwekyereza ibara itambiro rya
Sitaane eribaire ryombekirwe kwita
amagara gangye. Nincwanyagura
ibara itambiro ry'okusingwa,
ery'okuzambaara, hamwe
n'okuremwa, ebitwire binkomire
omwaka ogu.

- ✠ Ahabw'amaani g'omusharaba,
nindagira ibara iraka ry'omwirima,
ery'ekibi, ery'okutiina, hamwe
n'okubaangaanisa, kuhunamisibwa
hati. Ninshazamu ibara kigambo
ekyagambirwe kurwanisa omugisha
gwangye, kandi nindangirira ngu
amazima gaawe gonka nigo
garigumaho.
- ✠ Omu iziina rya Yesu, ninyotsya
n'omuriro gwa Mutima Orikwera
ibara itambiro ry'oburwaire,
ery'obworo hamwe n'okusingwa,
ebitwire bintengyeirwe. Reka
amatambiro aga gahwerekyerezibwe
omuriro gwa Ruhanga, gabe
omuyonga.
- ✠ Ahabw'amaani g'Eshagama ya
Yesu, nincwanyagura ibara
rujegyere, ibara mukyeeno, hamwe

n'amaani goona agombekirwe aha
matambiro ga Sitaane. Nindangirira
ngu ibara itambiro ry'okwangwa,
ery'okusingwa, hamwe
n'ery'okukyererwa
gacwekyerezibwe omu iziina rya
Yesu.

✠ Mukama Yesu, nimpunamisa ibara
iraka eririkukyeena, ery'obwoba,
hamwe n'okuremwa, aha magara
gangye. Ibara iraka erikuru
ery'omuzigu eririkwenda ngu
rigume rinkomeire omu bukwatwa,
hati ryahunamisibwa omu iziina rya
Yesu.

✠ Omu iziina rya Yesu, ninyangira
kimwe buri kigambo kibi hamwe
n'ekishuba ekiragambirwe aha
magara gangye.

Nindangirira amaani g'omusharaba
agarikucwanyagura ibara rujegyere
rw'emikyeeno y'akarande n'enkora
y'ekibi, ebyayoherezeibwe kurabira
omu matambiro amakuru.

✠ Taata ow'omu iguru,
ahabw'obushoboorozi bw'eiziina
rya Yesu, ninyotsya ibara itambiro
eryayombekirwe kwita emigisha
yangye, kwita amagara gangye,
hamwe n'eka yangye. Reka omuriro
gwawe ogurikwera gwasye buri
itambiro ry'oburwaire, ery'obworo
hamwe n'okucwekyereza.

✠ Omu maani g'Omusharaba,
nimpunamisa ibara iraka ry'okucwa
omuhimbo n'okubaangaanisa.
Nindangirira, ngu iraka rya Mukama
mbe niryo ryonka eri naahurira,
ririkumpitsya aha businguzi
n'okuhika aha kigyendererwa.

- ✠ Ahabw'eiziina rya Yesu,
ninsharizamu kimwe endagaano ei
naakozire na Sitaane etwire
empindwire omuhuuku.
Ninshazamu na ibara ndagaano ei
naakozire n'amatambiro ga Sitaane,
kandi ndangirira ku nyine obusingye
omuri Kristo.
- ✠ Mukama Yesu, ninta omu muriro
gwawe ahari ibara itambiro eritwire
rindemeise. Reka omuriro gwawe
ogurikweza, gumareho buri kyanga
ky'omwirima ekitwire nikyenda ngu
ngume omu busibe.
- ✠ Omu iziina rya Yesu, nimpunamisa
okutabaarizibwa kwona, hamwe na
ibara iraka eririkuncwera orubanja.
Ningamba obusinguzi
bw'omusharaba aha magara gangye,
aha ka yangye n'aha magara gangye
g'omu maisho.

- ❖ Taata, ahabw'amaani
g'Omusharaba, nincwekyereza ibara
itambiro eritwire nirateebwamu
amaani enshobe zangye,
obweremwa bwangye, nari
n'okuremwa kwangye. Ninkusiima
ahabw'eshagama ya Yesu erikweza
ekankora musya.
- ❖ Mukama, ninshazamu amaani goona
ag'omukyeeno gw'akarande,
orujegyere rw'ebibi, hamwe
n'eitambiro ry'aba taatenkuru,
ebitwire nibitwaririza amagara
gangye. Omu iziina rya Yesu,
nindangirira ku hati nyine
obusingye, kandi n'enjegyere
zinyihirweho.

❖ Omu iziina ery'amaani erya Yesu,
nindwanisiza kimwe ibara itambiro
ry'oburwaire, ery'obworo,
ery'okusingwa, hamwe
n'okwangwa. Nindangirira ngu
amaani g'Omusharaba nigashazamu
buri kutaahirirwa kwona
okw'omuzigu.

❖ Mukama Yesu, nindekura omuriro
gwa Mutima Orikwera kwosya ibara
itambiro rya Sitaane omu magara
gangye. Reka buri itambiro
ry'okusingwa ery'omutima
n'ery'omubiri, eitambiro
ry'okushoberwa, hamwe
n'okuremwa bicwekyerezibwe hati
omu iziina rya Yesu.

- ❖ Taata, nindangirira ahabw'amaani g'Omusharaba, ku ibara iraka rikuru ery'okusingwa, ery'okutiina, n'ery'okuremwa gahunamisibwe hati. Ningarukana n'omugisha gwangye kuruga omu bushoboorozi bw'Omubi.
- ❖ Omu iziina ery'amaani erya Yesu, nindagira ibara itambiro ry'okuremwa, ibara itambiro ry'okunagaijurwa hamwe na buri itambiro ry'okuzambaara, okusheenyagurwa gakookibwa omuriro gwa Mutima Orikwera, gakaba omuyonga.
- ❖ Mukama Yesu, nindangirira ngu ibara iraka rya Sitaane eririkurangirira okusingwa, eririkurangirira okubuzabuza,

hamwe n'okuhwa amatsiko aha
magara gangye okuhunamisibwa.
Nindangirira, ku eiraka
ry'obusinguzi n'amatsiko bibe nibyo
byagamba aha magara gangye
g'omu maisho.

✠ Omu iziina rya Yesu, ninshazamu
ibara murimo gwona ogwakoziwe
aha matambiro ga Sitaane omu
magara gangye. Nindangirira ku
tihariho ky'okurwanisa kyona
ekiheesirwe kundwanisa
ekirigumaho kitahwerekyerezeibwe,
kandi tihariho mukyeeno gwona
ogurinkwataho.

✠ Ahabw'amaani g'O musharaba,
nincwanyagura ibara ndagaano, nari
akakwate koona ebyakuba
byakoziwe n'amatambiro
g'omwirima.

Nindangirira ku nyine obusingye,
kandi nshangiirwe n'eshagama ya
Yesu.

- ✠ Taata ow'omu iguru, nintuma
baamaraika baawe kusheenyagura
buri itambiro rya Sitaane, hamwe
n'amaani goona ag'omubi agatuura
gankwatiire omu bukwatwa. Reka
byona bicwekyerezibwe omuriro
gwa Ruhanga.
- ✠ Omu iziina rya Yesu ery'amaani,
nindangirira ku buri itambiro
ry'oburwaire, ibara itambiro
ry'obworo, hamwe na ibara itambiro
ry'okuremwa gacwekyerezibwe
omuriro gwa Mutima Orikwera.
Nindangirira obusinguzi omu iziina
rya Yesu.

- ✠ Taata, ninkusiima ahabw'amaani
g'O musharaba agarikucwanyagura
ibara rujegyere
rw'okubonabonesibwa,
rw'okuremesibwa,
n'orw'okucwekyereza. Nindangirira
ku amagara gangye gatakiri omu
butegyeki bw'amatambiro
n'amaraka ga Sitaane.
- ✠ Mukama Yesu, ninkingaho ibara
itambiro eryatikire, hamwe na ibara
iraka eryahunamisiibwe n'eshagama
ya Yesu. Nindangirira ku amagara
gangye hati gari ahansi
y'obutegyeki bwa Kristo, kandi
tihariho kabi koona akarimpikaho.
Omu iziina rya Yesu, nindagiira
ibara itambiro ry'obushoberwa,
ibara itambiro ry'okukyererwa
hamwe na ibara itambiro

ry'okuremesibwa
okuhwerekyerezibwa
rikakasheenyagurwa omuriro gwa
Ruhanga.

- ✦ Taata, ninkusiima ahabw'amaani
g'Omusharaba agarikuhunamya
ibara iraka ryaira n'okucwangyagura
ibara itambiro rya Sitaane eriri omu
magara gangye. Ningyendera omu
busingye bwangye, ekigyendererwa
kihikire hamwe n'obusinguzi.
- ✦ Mukama Yesu, nindangirira ku ibara
iraka ry'okuremwa, okutiina
n'okucuubwa omuhimbo hati
bihunamisiziibwe kimwe
okutarigaruka kwimuka. Nyijwire
obusinguzi, obusingye, hamwe
n'amaani ga Mutima Orikwera.

- ❖ Omu iziina ery'amaani erya Yesu, ninsheenyagura ibara itambiro rya Sitaane, hamwe n'amaani g'omubi agatwire nigagyezaho kundemesa. Nindangirira hati ku omuhanda gwangye guri gye, nyensya yangye eboneire, kandi n'omugisha gwangye guriho gurinzirwe gye.
- ❖ Taata ow'omu iguru, yebare kucwerekyereza ibara itambiro rya Sitaane, n'okuhunamisa ibara iraka ribi omu magara gangye. Hati nintaaha omu mwaka musya n'obusingye, ndi omusinguzi kandi nyine amaani ga Mutima Orikwera waawe.
- ❖ Mukama Yesu, ninkusiima ahabw'obushoboorozi bwawe obubaasize kwosya

n'okuhwerekyereza ibara itambiro
rya Sitaane, n'okuhunamisa ibara
iraka ry'omwirima. Ningyendera
omu busunguzi hamwe
n'obushoboorozi, nyeteeekateekire
kutaaha omu mwaka musya nyine
amaani n'omuriro.

EKICWEKA KYA KABIRI:

**MUZIMBEEZI 17-24
OKUTONA AMAZAARWA
GA YESU, AMASHEMERERWA
HAMWE N'OKUJAGUZA**

Eshaara z'akasheeshe

❖ Taata ow'omu iguru, nk'oku naayorekyerera amagingo ga Noeli, ninshaba okushemererwa kwawe okw'omutaano ku kwijura omu mutima gwangye, kukaijura omu ka yangye, n'omuri ibara kicweka ky'omubiri gwangye. Reka okushemererwa oku kugume omu magara gangye kutarikutengyesibwa, kandi kwijure n'omu bandi bantu, omu iziina rya Yesu.

❖ Taata ow'omu iguru, shukyeera amajuta gaawe amagara gangye, eka yangye, hamwe n'omugisha gwangye omu Noeli egi. Reka Mutima waawe agyende n'obushoboorozi, arikureetaho okugarurwa omu buteeka, obusingye, omugisha, hamwe

n'obworekyerezi oburikwera, omu iziina rya Yesu.

- ✦ Taata ow'omu iguru, ninkusiima ahabw'ekirabo kya Yesu, Omurangira w'obusingye. Rukundo ye neekorobye omutima gwangye, ekakiza ibara kironda, kandi ekagarukanisa emikago eyaafiire, omu iziina rya Yesu.
- ✦ Taata ow'omu iguru, naaba ndiyo ninjaguza amazaarwa ga Yesu, mpeereza ebintu by'omutaano, ebiijuriraine, kandi oigure enyigi z'omugisha omu by'esente, okugamba ekigambo kyawe, hamwe n'amagara gangye nk'omuntu, omu iziina rya Yesu.
- ✦ Taata ow'omu iguru, tebeekanisa omutima gwangye okwakiira amajuta gaawe ga Noeli omu bwijwire.

Garuraho ebyabuzire, kiza
ekihuteire, kandi ontebeekanise
okuhika aha businguzi, omu iziina
rya Yesu.

✠ Taata ow'omu iguru, reka ibara
shaara ei nshomire omwaka ugu,
eyeyorekye omu magingo aga
ag'okushemererwa. Igurira
ekitiinwa kyawe, amaani gaawe
n'ebirikutangaaza omwaka ugu
gutakahwaire, omu iziina rya Yesu.

✠ Taata ow'omu iguru, reka ekyererezi
ky'okubaho kwawe kinyakire,
hamwe n'aha b'eka yangye,
kibingye omwirima, obwoba,
hamwe n'okuhatwa. Ikiriza Noeli
egi ebe ey'obusingye,
okushemererwa, hamwe n'omugisha
ogurikuruga omu iguru, omu iziina
rya Yesu.

- ❖ Taata ow'omu iguru, nindangirira ku ibara kirikunteganisa, ekirikumpinda, n'ekirikumpakanisa ebi mbugaine omu mwaka ogu, nibiija kurugwamu obujurizi bw'omutaano, birugwemu omugisha hamwe n'emigisha omu Noeli egi, omu iziina rya Yesu.
- ❖ Taata ow'omu iguru, nyorobya n'omutima gw'okusiima n'okusingiza naaba ndiyo ninyesiimira amazaarwa g'Omwana waawe. Reka omutima gwangye gusheeshekwemu okusiima, okushemererwa hamwe n'okugira amatsiko omu iziina rya Yesu.
- ❖ Taata ow'omu iguru, ijuza eka yangye n'obusingye bwawe bw'omutaano, rukundo n'obumwe. Reka akakwate k'eka kagarukye,ho,

na buri buteetegyerezana
bushoboororwe embabazi zaawe,
omu iziina rya Yesu.

✠ Taata ow'omu iguru, reka
okushemererwa kwa Mukama kube
nikwo kwaba amaani gangye, kandi
obusingye bwawe burinde omutima
gwangye n'obwengye bwangye,
okurabira kimwe omu magingo
g'amazaarwa g'Omujuuni, omu iziina
rya Yesu.

✠ Taata ow'omu iguru, igurira
omugisha gwawe kuruga omu iguru,
gushuume omuri ibara kicweka
ky'amagara gangye – emirimo
yangye, esente zangye, amagara
gangye, emikago hamwe n'okukura
omu by'omutima – naaba ndiyo
ninjaguza amazaarwa g'Omwana
waawe, omu iziina rya Yesu.

❖ Taata ow'omu iguru, reka
baamaraika baawe omu iguru
banyetooroore hamwe n'abakundwa
bangye, baturinde, batwebembere,
n'okutuheereza emigisha
y'omutaano omu biro ebi
eby'okujaguza Noeli, omu iziina rya
Yesu.

❖ Taata ow'omu iguru, okuzaarwa
kw'Omwana waawe nikukareete
ekyererezi ky'omutaano omu
magara gangye, okushoboorokyerwa
ekigyendererwa, hamwe
n'okumurikirwa okurikwera omu
kuhendera omwaka ogu, okwesiima,
n'okuheereza obujurizi, omu iziina
rya Yesu.

Taata ow'omu iguru, naaba ndiyo
ninjaguza amazaarwa ga Kristo,

reka amagara gangye goorekye
oburungi bwawe, embabazi zaawe,
hamwe n'ekitiinwa, bintebeekanise
kutaaha omu mwaka musya
n'obusinguzi, n'omugisha omu
iziina rya Yesu.

ESHAARA Z'OMWABAZYO:

OKUCWA EMIKYEENO

- ✠ Taata ow'omu iguru, omu iziina rya Yesu, turikworekyerera okujaguza amazaarwa ga Kristo, ninyija omu maisho gaawe eki kiro kucwa ibara mukyeeno ogwateirweho aha magara gangye, aha ka yangye, hamwe n'omugisha gwangye. Ninyangira kimwe ibara kigambo

ky'okucwekyereza, kandi ndangirira
ngu ekyererezi kyawe kiizire
kubinga omwirima, omu iziina rya
Yesu.

✠ Taata ow'omu iguru, ahabw'amaani
g'omusharaba, hamwe n'okuzaarwa
kwa Yesu. Ninshazamu omukyeeno
gw'akarande ogwarugiire kimwe
ahari baatatenkuru kurabira omu
shagama. Nindangirira ngu ibara
nkora mbi yaacuubwa, kandi hati
ningyendera omu magara masya agu
Kristo yampaire, omu iziina rya
Yesu.

✠ Taata ow'omu iguru, ninshazamu
ibara mukyeeno gw'okuremwa,
okuzambaara hamwe
n'okuremesibwa omu magara
gangye. Nk'oku ndiyo nindeeba
okwija kwa Yesu, nindangirira ku

ndiyo ninza omu magingo
g'okugyenda omu maisho, omu
iziina rya Yesu.

✠ Taata ow'omu iguru, ahabw'amaani
g'okuzaarwa kwa Kristo, nincwa
omukyeeno gw'obworo,
ogw'okuburwa ebintu, hamwe
n'okuremererwa omu by'esente.
Nindangirira ku omugabo gwawe
gw'omutaano hati nigusheesheka
omu magara gangye naaba ndiyo
ninjaguza oburungi bwa
bw'amazaarwa ga Yesu, omu iziina
rya Yesu.

✠ Taata ow'omu iguru, nincwa ibara
mukyeeno gw'oburwaire,
ogw'endwara hamwe
n'ogw'amagara mabi.
Ahabw'amaani g'Omusharaba,
nindangirira ku nkizire, weena ndi

gye, kandi nyine amaani, omu iziina rya Yesu. Okukiza kwawe okurikwera nikukagambwe n'amaani omu magingo g'okuzaarwa kwa Yesu.

✠ Taata ow'omu iguru, nincwa omukyeeno gw'okwangwa, ogw'okugira eihamba n'ogw'okurekwa wenka. Nk'oku ndiyo ninyeteeekateeka kujaguza amazaarwa ga Yesu, nindangirira ku hati nyakiirwe, ninkundwa, kandi nintangirirwa embabazi zaawe, omu iziina rya yesu.

✠ Taata ow'omu iguru, nincwa omukyeeno gw'okuremwa hamwe n'okutamwa. Nindangirira ku nyensya yangye eijwiremu obusinguzi, hamwe n'okuheereza obujurizi, naaba ndiyo nintaaha omu

magingo ga Noeli hamwe
n'okweteeekateekyera omwaka
musya, omu iziina rya Yesu.

✠ Taata ow'omu iguru, nincwa
omukyeeno gw'obwoba,
ogw'okushoberwa, hamwe
n'okuribatiirirwa. Nindangirira ngu
nk'oku Kristo yazairwe kureeta
obusingye, hati ningyendera omu
bwijwire bw'obusingye obwo, omu
kwehayo n'okugira omuhimbo, omu
iziina rya Yesu.

✠ Taata ow'omu iguru, nincwa
omukyeeno gw'okubuzabuzibwa
hamwe n'okuzambaara omu mutwe.
Nindangirira ku habaho obuteeka
omu biteekateeko, obwengye
oburikuruga omu iguru, hamwe
n'okwetegyereza, obwo naaba ndiyo
ninteeekateeka aha kwija kwawe omu
nsi, omu iziina rya Yesu.

- ❖ Taata ow'omu iguru, nincwa ibara mukyeeno gw'okutegannisibwa, ogw'okwebaganisamu, hamwe n'ogw'okunyururana. Nk'oku turiyo nitweteeekateekyera amazaarwa ga Yesu, nindangirira ku eka yangye erikuza kuba omwanya gw'obusingye, obugwagye, hamwe n'obumwe, omu iziina rya Yesu.
- ❖ Taata ow'omu iguru, nincwa ibara mukyeeno gw'obukwatwa hamwe n'esindo. Nindangirira obusingye hamwe n'okukizibwa kuruga omuri ibara rujegyere orutwire runkomire, omu iziina rya Yesu. Ninza omu busingye obu Kristo arikureeta nk'oku yaazairwe kuseetura embohe.

- ❖ Taata ow'omu iguru, nincwa ibara mukyeeno gw'okutamwa, hamwe n'ebirooto ebitashoboorokire. Twaba turiyo nitujaguza okuzaarwa kwa Yesu okurikutangaaza, nindangirira ngu ebirooto byangye nibiija kuhikiirira omu shumi nsya, omu iziina rya Yesu.
- ❖ Taata ow'omu iguru, nincwa ibara mukyeeno gw'obutaana bijuma, hamwe n'obugumba. Nindangirira ngu nk'oku Yesu yaazairwe kureeta amagara, ninyija kwana ebijuma omuri ibara kicweka ky'amagara gangye – omu by'omutima, eby'ebiteekateeko, eby'esente, hamwe n'eby'emikago, omu iziina rya Yesu.

- ❖ Taata ow'omu iguru, nincwa ibara mukyeeno gw'okwerarikirira, ogw'okubaangaanisa, n'okutiinirira eby'omu maisho. Naaba ndiyo ntegyereize okwija kw'Omugabe, nindangirira ku ninyikiriririza kimwe omu nteekateeka yaawe aha magara gangye, omu iziina rya Yesu.
- ❖ Taata ow'omu iguru, nincwa ibara mukyeeno gw'obutashweerwa hamwe n'ogw'okufaafatikana kwa rukundo. Nindangirira ngu nk'oku Omurangira w'obusingye yazairwe kutugarukanisa n'Iwe, ningyendera omu kugarukana, obusingye, n'okugarurwa busya kw'emukago yangye, omu iziina rya Yesu.

- ❖ Taata ow'omu iguru, nincwa ibara mukyeeno gw'okubonabonesibwa Sitaane, hamwe n'okureebesibwa enaku. Nindangirira ngu nk'oku Kristo yaizire kumariraho kimwe emirimo ya Sitaane, hati nyine obusingye n'okutataahirirwa ibara mukyeeno gw'ebisitaane, omu iziina rya Yesu.
- ❖ Taata ow'omu iguru, nincwa ibara mukyeeno gw'okuremwa omu bindikukora, hamwe n'omu mirimo yangye. Nindangirira ku emirimo yangye erikwija kugumaho, kandi egyende omu maisho naaba nintaaha omu mwaka musya, n'emigisha erikuruga ahari Ruhanga, omu iziina rya Yesu.
- ❖ Taata ow'omu iguru, nincwa omukyeeno gw'obutatwara, ogw'okutazaara, n'okuremwa kusingura.

Nindangirira ku ibara kimwe eki ndaakwateho nikiza kugyenda omu maisho, ahabw'okuba okuzaarwa kwa Yesu kureetsireho amagingo g'okwana ebijuma, omu iziina rya Yesu.

✠ Taata ow'omu iguru, nincwa omukyeeno gw'okuhuma aha bya Ruhanga hamwe n'okutabihurira. Nindangirira ngu ninyija kuhurira kurungi kandi ndeebe, ndikugyendera omu omu kushuruurirwa kw'omutaano, obwo naaba ndiyo ninjaguza okwija kwa Kyererezi ky'ensi, omu iziina rya Yesu.

✠ Taata ow'omu iguru, nincwa ibara mukyeeno kw'okucuubwa omuhimbo, hamwe n'okwehwa amatsiko. Nindangirira ku amatsiko gangye gariho gahuriire, okwikiriza kwangye kugarwirwe busya, kandi n'omutima

gwangye gwine amaani omu
kweteeekateekyera amazaarwa ga
Kristo, omu iziina rya Yesu.

✠ Taata ow'omu iguru, nincwa
omukyeeno gw'okundemesa kuheza
emirimo yangye, hamwe n'emigisha
yangye eyaafiire busha. Nindangirira
ku Noeli egi hamwe n'omwaka
musya, nibiija kundeetera ebirungi
bingi ebirikuruga omu iguru, ebiraije
kukomoorora emigisha yangye, omu
iziina rya Yesu.

✠ Taata ow'omu iguru, nincwa ibara
mukyeeno gw'okukomwa kw'esente
zangye, okw'emirimo yangye, hamwe
n'okw'emikago yangye. Nindangirira
ku hati nyine obusingye kwakiira
emigisha yaawe, n'okugyendera omu
kukunda kwawe aha magara gangye,
omu iziina rya Yesu.

- ❖ Taata ow'omu iguru, nincwa ibara mukyeeno gw'okuhindwa kuhika ahu ndikuza, kandi ntarikureeba na nyensya yangye. Nindangirira ngu nk'oku Yesu yaazairwe kureeta okujunwa n'obusingye, hati ningiira kimwe omu kigyendererwa hamwe n'okwetwa, omu iziina rya Yesu.
- ❖ Taata ow'omu iguru, nincwa ibara mukyeeno gw'esindo, yaaba okusinda ebishaka, emize, nari okugira akakwate n'ebikorwa bibi. Nindangirira ku ntakiine rujegyere runkomire, ahabw'okuba ou Mwana aseetura, aba kwo aseetwirwe, omu iziina rya Yesu.
- ❖ Taata ow'omu iguru, nincwa omukyeeno gw'endwara z'akarande hamwe n'oburwaire. Nindangirira okugira amagara marungi hamwe

n'okukizibwa okurikwera
ahabw'okuba okuzaarwa kwa Yesu
kukareetera abantu boona okukizibwa,
omu iziina rya Yesu.

✠ Taata ow'omu iguru, nincwa ibara
mukyeeno gw'okuteganisibwa omu
biteekateeko, hamwe n'okwerarikirira.
Nindangirira okukizibwa, ebintu
kugarurwa omu buteeka, hamwe
n'okukira ebironda by'omu
biteekateeko, nk'oku Omwana waawe
yaizire kutambira ab'emitima eine
enaku (broken hearts), omu iziina rya
Yesu.

✠ Taata ow'omu iguru, nincwa ibara
mukyeeno gw'okusigwaho
n'okwangwa . Nindangirira ku hati
ndikukundwa, ninyakiirwa, kandi
niiwe wanyetooraniire, ahabw'okuba
Kristo akaija kutugarukanisa naiwe,
omu iziina rya Yesu.

- ❖ Taata ow'omu iguru, nincwa ibara mukyeeno gw'ekiniga hamwe n'obushaarire. Nindangirira obusingye, okusaasirana, hamwe n'okugarurwa busya omu mutima gwangye, omu iziina rya Yesu.
- ❖ Taata ow'omu iguru, nincwa ibara mukyeeno gw'okuzambaara (stagnation) omu by'omutima. Nindangirira okukura, okugyenda omu maisho, hamwe n'okunyeeta omu rugyendo rwangye naiwe, naaba ndiyo ninyeteekateekyera kutaaha omu mwaka musya nyijwire amaani n'ekyererezi ebya Kristo, omu iziina rya Yesu.
- ❖ Tataitwe ow'omu iguru, nincwa ibara mukyeeno ogutwire guntairweho, guteirwe aha ka yangye, aha murimo gwangye, nangwa n'ahari nyensya yangye.

Nindangirira okuba gye, okugarurwa omu buteeka, hamwe n’obusinguzi omu kujaguza amazaarwa ga Yesu, n’okweteekateekyera omwaka musya, omu iziina rya Yesu.

EKICWEKA KYA KASHATU:

MUZIMBEEZI 25-30 ESHAARA Z’AMAZAARWA GA YESU N’OKWETEEKATEEKYERA OMWAKA MUSYA Eshaara z’akasheeshe

- ✠ Taata ow’omu iguru, omu iziina rya Yesu, ninyesiimira omu Mujuni otuzaariirwe, Kyererezi owaabingire omwirima akareetera amatsiko abatakiine matsiko.

Nindangirira ngu okushemererwa
kw'amazaarwa g'Omujuni kwijure
omu magara gangye, kucwe ibara
rujegyere, kucwekyereze ibara
itambiro ry'okuzambaara, kunte omu
mwanya gw'okutunga emigisha,
kureeba eby'okutangaaza,
n'okuheereza obujurizi omwaka ogu
gutakahwaire.

✠ Mukama Yesu, ozingazingirwe omu
twenda tw'obucuju, okaija kureetera
obusingye aha bantu abanyigirwe,
abataine busingye, hamwe
n'abarikuribatiirirwa. Ninta omu
mikono yaawe ibara mutwaro,
ebirikuremesa, hamwe
n'ebirikurutsya. Garura busya, kandi
otebeekanise ibara kicweka
ky'amagara gangye ahabw'okwenda
kutunga emigisha ejwire.

✠ Taata, naaba ndiyo ninjaguza
eky'okutangaaza ky'okuzaarwa kwa
Yesu, ninyeta obubangizi bwa
baamaraika, oburyo burikuruga omu
iguru, hamwe n'emigisha y'omutaano.
Reka enyigi ezaabaire zikingirwe
ziigurwe ahonaaho, kandi oikirize na
ibara nteekateeka y'omuzigu
ehwerekyerere. Nitunga oburyo
bw'ahonaaho bw'okurabamu,
omugisha, hamwe n'obusinguzi omuri
ibara kicweka ky'amagara gangye.
Mukama Yesu, ekitiinwa
ky'okuzaarwa kwawe nikibingira
kimwe omwirima gwona,
kisheenyagura emyanya egumire,
kandi kimariraho kimwe ibara murimo
gw'omuzigu, etuura eremeise
okugyenda omu maisho kwangye.
Reka ekyererezi kyawe kyake,

n'okureetera ibara kirikuteganisa
okwinamira eiziina ryawe. Reka
omwaka ugu guhendere n'obujurizi
oburikukuhaisa ekitiinwa.

✠ Taata ow'omu iguru, nyijwire
okushemererwa ahabw'Omugabe
musya ozairwe, teebeekanisa omutima
gwangye kutaaha omu mwaka musya
n'okwikiriza okuhamire,
nshoboorokiirwe eby'oburangi, kandi
nyine n'ekihika. Reka ibara
kirikuntaahirira, ekirikunteekateekyera
kubi, hamwe n'oburemeezi bigwe,
kandi na ibara murimo murungi
ahabw'omwaka ugu guhenderwe gye
omu magara gangye, omu ka yangye,
n'omu kika kyaitu.

- ✦ Mukama Yesu, ndikwimutsya emikono yangye kukuhimbisa, shuka okugarurwa busya, okukiza kwawe, hamwe n'okuta omwanya gw'omutaano omu magara gangye. Reka ibara mugisha gwangye ogwafiire, omugisha ogwakererezeibwe, nari ogwabaire gunyakirwe gugarukye gumpeebwe, guteezibwemu, kandi guhindurwemu obujurizi bw'ekitiinwa kyawe omwaka ugu gutakahwaire.
- ✦ Ruhanga Taata, reka okushemererwa kw'okujuna kwawe kwijure omu mutima gwangye, omu ka yangye, hamwe n'omu mikago yangye. Reka esheko y'oburangi, okusiima, hamwe n'okujaguza bisheeshekye omu magara gangye, bihindure ibara mbeera n'obusingye, okushemererwa, hamwe n'omugisha gw'omu iguru.

✠ Mukama Yesu, garura busya ibara mugisha ogwafiire, oshumurure enyigi z'omugisha, kandi orekure amaani g'omutaano gaije omuri ibara kicweka ky'amagara gangye. Reka ibara kituura kindemeise, oburemeezi, n'okutaahirirwa omuzigu bihwe amaani, kandi bigwe, biigurire omuhanda okujuna kwawe okurikutangaaza.

✠ Taata ow'omu iguru, reka obusingye bwawe, obwakomookire omu kaato k'ente, butaahire kimwe omu mutima gwangye, omu ka yangye, n'omu mikago yangye. Reka ibara kutiina, okutashemera, hamwe n'okuribatiirirwa bihweho, omu mwanya gwabyo hazemu obugwagye, amatsiko hamwe n'okushemererwa.

- ✠ Mukama, omu kitiinwa ky'amazaarwa ga Yesu, shumuurura obwengye oburikuruga omu iguru, okwetegyereza, hamwe n'oburyo oburikuruga omu iguru, kumaariira entebeekanisa hamwe n'emirimo erikuhikaana n'okukunda kwawe. Reka ibara murimo gugyende omu maisho, kandi na ibara nteekateeka y'omuzigu esheeshuukye, kandi ehwerekyerezibwe.
- ✠ Taata, naaba ninjaguza amazaarwa g'Omujuni, cwekyereza emyanya yoona egumire, okubonabonesa hamwe n'ebisiika ebitwire biremeise okugyenda omu maisho kwangye. Reka ekitiinwa kyawe kize ahaiguru y'ebirikuteganisa byona, kandi oikirize mbaase kugyendera omu bushoboorozi, obusinguzi, hamwe n'omu migisha y'omu iguru.

- ✠ Mukama Yesu, nsiiga n'amajuta g'obwira, omugisha gw'omutaano, kandi oigurire eiguru ahari ibara kicweka ky'amagara gangye. Reka ebitabaasika bibe nibyo byaba obujurizi bwangye, kandi amagara gangye garangirire obukuru bwawe, hamwe n'amaani g'ebirikutangaaza.
- ✠ Taata ow'omu iguru, ijuza eka yangye okushemererwa, okusiima, hamwe n'okwesiimira oburangi. Reka ibara kacweka k'omubiri gwangye kabugumwemu okusiima, ibara shaara egarukwemu, ibara kirona kikire, kandi na ibara mugisha gworekyerwe omu kitiinwa ky'Omugabe musya ozairwe.

- ✠ Mukama, nindangirira obusinguzi aha
bitwire bimpingamiire, ebingumiire,
hamwe n'okukyererwa,
ebyeyorekyeire omuri ogu mwaka.
Reka ebigyezo byona bihindukyemu
obujurizi, obusaasi bwona
buhindukyemu okushemererwa,
n'ebitwire nibiremesa
buhwerekyerezibwe amaani gaawe.
- ✠ Taata, shumuurura okugarukana,
okugarurwa busya, hamwe n'obumwe
omu buzaare obwashambuukire. Reka
rukundo, okusaasira hamwe
n'okushemererwa bijurirane omu
bwingi, kandi reka eky'okutangaaza
ky'okuzaarwa kwawe kigarure busya
emitima yaitu, kikize amaka,
n'okugarura busya amagara.

✠ Mukama Yesu, heereza omugisha buri nteekateeka, omurimo, hamwe n'eky'okukora ekirikuhikaana n'okukunda kwawe. Reka amaani gaawe agarikujuna goorekyerwe omu mihanda eyaaba eteeteeekateekirwe, reka omugisha gunkurate hoona ahu ndaaze, kandi amagara gangye gaamurinkane nk'obujurizi bw'amaani gaawe.

✠ Taata, reka ibara burwaire, n'ebirikuremesa, hamwe n'obworo, bikwate akakiro bihungye obushoboorozi bwa Yesu Kristo. Reka okushemererwa n'eky'okutangaaza ky'okuzaarwa kwa Yesu bireete obwijwire, obwingi, hamwe n'obujurizi bw'omugisha gw'omu iguru.

❖ Mukama, hamya okwikiriza kwangye, okwetegyereza, hamwe n'omuhimbo naaba ndiyo ninyesiimira okuzaarwa kw'Omujuuni. Reka ntaahe omu mwaka musya n'okwehayo, n'enteekateeka ehikire, n'amaani agatarikuzibirwa kuhikiiriza omugisha gwangye.

❖ Taata ow'omu iguru, mpeereza oburinzi bwa baamaraika, onyebembere, ompe n'amaani gaawe ganyebembere hamwe n'ab'eka yangye. Reka ebiro ebi eby'okuhendera omwaka bibe amagingo g'obusinguzi, okuba gye, hamwe n'okwetebeekanisiza omwaka musya.

Mukama Yesu, reka ebiro ebi eby'okuhendera omwaka bibe eshumi nungi y'okugarura ebintu byoma

busya, okumaraho ebigumire, hamwe n'okujaguza. Reka ibara itambiro rya Sitaane ricwekyerezibwe, ibara kutaahirirwa omubi kushazibwemu, kandi reka ntaahe omu mwaka musya n'obushoboorozi, obusinguzi, hamwe n'omugisha gw'omutaano, n'obujurizi oburikuhimbisa eiziina ryawe. Amiina.

ESHAARA Z'EKIRO:

OKUBYARA EMBIBO (OMU MAGARA OGEBY'OMUTIMA) Z'OMWAKA OGURIKWIJA

- ✔ Taata ow'omu iguru, omu iziina rya Yesu, naaba ndiyo nintekateeka aha kuzaarwa kw'Omwana waawe, nimbyara ebijuma by'okushemererwa

kw'omutaano, obusingye, hamwe
n'omugisha ogurikuruga omu iguru
ahabw'omwaka ogurikwija. Reka
ebijuma ebi byorekye amaani okuraba
omu mwaka gwona, biigure enyigi
z'omugisha, biteho omuhanda, kandi
bireete n'emigisha eraagumizemu
neesheneneka omuri ibara kicweka
ky'amagara gangye.

- ✔ Taata ow'omu iguru, nimbyara
embibo y'okwikiriza
etarikutengatenga, n'okwesiga
okutarikutengyesibwa omu bi
waaraganiise. Reka embibo ezi zikure,
zirugwemu obujurizi bw'amaani
obw'okwikiriza kwawe, kandi
zoorekye okwetwara hamwe
n'omugisha omu mwaka ogurikwija.

- ✔ Taata ow'omu iguru, nimbyara embibo z'okukiza okurikuruga omu iguru, n'okugarura busya, ndikwesiga ngu embibo ezi kukorera kihango omu magara gangye, omu mikago yangye, omu sente, hamwe n'omurimo ogu ndikukora. Reka embibo ezi zaane ebijuma omu mwaka musya, ekiraareeteho buri kimwe kugarurwa busya n'okutaho omuhanda oguhikire.
- ✔ Taata ow'omu iguru, nimbyara embibo z'obwengye, okumanya ekihikire, hamwe n'okworekyererwa ahabw'omwaka musya. Reka embibo ezi zoorekye omu maisho ahu ndikuza, n'ebi ndikuza kukorayo, kandi hamwe n'obusinguzi omuri ibara kicweka ky'omubiri gwangye omu mwaka musya.

- ✔ Taata ow'omu iguru, nimbyara embibo z'obutebeekana, obutungu, hamwe n'okugira esente. Reka embibo ezi zoorekye embabazi zaawe, ziigure enyigi z'obugaiga hamwe n'obusinguzi, kireeteho okubagye omu by'esente, zishaagaane omu mwaka ogurukwija.
- ✔ Taata ow'omu iguru, nimbyara embibo z'obusingye, okugarukana, hamwe n'obumwe omu mikago yangye. Reka embibo ezi zikyorekye n'amaani, habeho obugwagye, okukizibwa, hamwe n'okugira akakwate omu mikago yangye okurabira kimwe omu mwaka musya.
- ✔ Taata ow'omu iguru, nimbyara embibo eziine amaani g'okukura ag'omutaano, okugira omukago naiwe, n'okumurikirwa kw'omu iguru.

Reka embibo ezi zoorekyerwe omu kuhindura omutima gwangye, ekirampitsye haihi n'okukunda kwawe, hamwe n'omugasho gw'amagara gangye omu mwaka ogurikwija.

- ✔ Taata ow'omu iguru, nimbyara embibo z'okwehayo, omuhimbo, n'okwikiririza omu bi waaraganiise. Reka embibo ezi zoorekyerwe omu mugisha ogurikuruga omu iguru, hamwe n'amaani g'omutaano, okumpeereza amaani kuza omuri ibara murimo ugu oteireho omu mwaka musya.
- ✔ Taata ow'omu iguru, nimbyara embibo z'okusaasirana, hamwe n'embabazi omu mutima gwangye. Reka embibo ezi zeeyorekye, zireete

okukizibwa, okugarura ebintu busya,
hamwe n'obusingye omu mikago
yangye, kandi n'okucwa ibara
rujegyere rw'obushaarire hamwe na
rwango.

✔ Taata ow'omu iguru, nimbyara
embibo z'ekigyendererwa kirungi
hamwe n'omugisha, ndikwesiga ngu
ngu embibo ezi, niziija kweyorekyera
omu kugira akakwate k'amaani
n'okukunda kwawe ahabw'amagara
gangye. Reka enteekateeka yaawe
eyanjurwe omu bwijwire omu
mwaka ogurikwija, empitsye omu
bwijwire bw'okwetwa kwangye.

✔ Taata ow'omu iguru, nimbyara
embibo z'obuteeka, eziboneire,
hamwe n'okukoresa amaani omu bi
ndikukora byona. Reka embibo ezi.

zikore nk'obusinguzi, okutunguurwa,
n'okwongyerwa omu bukuru omu
mwaka ogurikwija, kireete okwana
ebijuma, hamwe n'okumariirira
omuri ibara kicweka ky'amagara
gangye.

✔ Taata ow'omu iguru, ninsiga embibo
y'obusinguzi, ey'okuhika aha
kigyendererwa, n'ey'okusingura
ibara buremeezi. Reka embibo ezi
zikore nk'obusinguzi bw'omu iguru,
n'okuhindura ibara rugamba,
obujurizi bw'amaani gaawe hamwe
n'ekitiinwa kyawe omu mwaka
musya.

✔ Taata ow'omu iguru, nimbyara
embibo y'okushemererwa,
okwesiima, hamwe n'esheko
y'oburangi omu mutima gwangye.
Reka embibo ezi zoorekye

okushemererwa

okutarikutengyesibwa, obusingye hamwe n'obugwa gye omu mwaka ogurikwija, n'obu haakubaho ki.

- ✔ Taata ow'omu iguru, ninsiga embibo z'okwerinda hamwe n'okwetwara omu magara gangye, hamwe n'omu magara g'enkundwa zangye. Reka embibo ezi zikore nk'omukingo gw'okwerinda, okuturinda okutahikwaho akabi koono, hamwe n'okutaahirirwa omuzigu okurabira kimwe omu mwaka musya.

- ✔ Taata ow'omu iguru, nimbyara embibo z'amaani, okuremeraho hamwe, n'okweyongyera amaani omu mutima gwangye. Reka embibo ezi zoorekye, kandi zimpe amaani kusingura ibara kigyezo, mbaase

kutaaha omu mwaka ogurikwija
n'obusinguzi, ndikugyendera omu
maani gaawe.

✔ Taata ow'omu iguru, nimbyara
embibo z'omugisha kuruga omu
iguru hamwe n'enyigi ziigwire,
ndikwesiga ngu embibo ezi niziza
kukora nk'eky'okunywanisa
ky'amaani, hamwe n'emigisha omu
mwaka musya. Reka omugisha
gunkurate buri hamwe ahu ndaaze,
omu iziina rya Yesu.

✔ Taata ow'omu iguru, nimbyara
ensigo z'embabazi, obufura, hamwe
na rukundo omu nsi okunyetooroora.
Reka ensigo ezi zoorekye ekikwato
ky'eigyesha rya rukundo, omutima
murungi hamwe n'embabazi,
n'okuhindura amagara n'emitima
omu mwaka ogurikwija.

- ✔ Taata ow'omu iguru, nimbyara embibo z'obusinguzi, n'okugira eby'omutaano ebyahinduka omu magara gangye. Reka embibo ezi zikore nk'okusingura omu by'esente, omu by'amagara, eby'emikago hamwe n'omurimo, kireete kw'ahonaaho omuri ugu mwaka musya ogurikwija.
- ✔ Taata ow'omu iguru, nimbyara embibo z'okwetegyereza, ekigyendererwa n'okureeba omu mutima gwangye. Reka embibo ezi zoorekye ekishushani kirungi, hamwe n'okucwamu eky'okukora omu mwaka musya, kimpwere kuhika aha bwijwire bw'ekigyendererwa kyawe.

- ✔ Taata ow'omu iguru, nimbyara embibo z'amagara marungi, ezebihihikire, hamwe n'obwijwire omu magara gangye. Reka embibo ezi zirugwemu okukizibwa, amaani, hamwe n'amagara marungi omu mwaka musya ogurikwija, n'okugarura busya amagara gangye okurugiirira aha kukunda kwawe.
- ✔ Taata ow'omu iguru, nimbyara embibo z'obusinguzi, hamwe n'omugisha omu mirimo yangye kuruga omu iguru. Reka embibo ezi zikore nk'okwongyerwa obukuru, nk'omugisha, hamwe n'obusinguzi omuri ibara purogyekiti ei ndaateho engaro omwaka musya ogurikwija.

✔ Taata ow'omu iguru, nimbyara embibo z'okugira obushoboorozi hamwe n'omugisha aha magara gangye. Reka embibo ezi zikore nk'enyigi ezirikunyigurira kuza omu myanya misya, kutunga emigisha, n'okumpwera kugira emikago eraije kuntaasya omu mwaka musya n'amaani n'obushoboorozi.

✔ Taata ow'omu iguru, nimbyara embibo z'okugarurwa busya omuri ibara kicweka ky'omubiri gwangye ekyateganisiibwe. Reka embibo ezi zoorekye amaani, n'okureeta okugarurwaho busya omu mikago yangye, omu sente zangye, n'omu magara, omu iziina rya Yesu.

- ✔ Taata ow'omu iguru, nimbyara embibo z'obwengye burikuruga omu iguru, okwetegyereza, hamwe n'okuba entega-karyaija omu magara gangye. Reka embibo ezi zikore omu ncwamu y'omuringo gwona ei ndikukora, zirikunyebembera kuhika aha businguzi omu mwaka musya ogurikwija, omu iziina rya Yesu.
- ✔ Taata ow'omu iguru, nimbyara embibo y'okushemererwa, okusheka hamwe n'obusingye omu mutima gwangye, ndikwesiga ngu embibo ezi kukora nk'omutima gw'okushemererwa okutarikutengyesibwa, okwesiima, hamwe n'obusingye omuri ibara kicweka ky'amagara gangye, okuraba omu mwaka ogurikwija.

- ✔ Taata ow'omu iguru, nimbyara embibo z'omugisha, hamwe n'enyigi ziigwire omuri ibara kicweka ky'omubiri gwangye. Reka embibo ezi zikore nk'emigisha misya, okuhika aha burungi bw'eiguru, hamwe n'omugisha gw'omutaano oguraije kunshembutsya kuza omu mwaka musya.
- ✔ Taata ow'omu iguru, nimbyara embibo z'okurabamu, kurangirirwa hamwe n'okukorera omu bwire obuhikire. Reka embibo ezi zoorekyerwemu obusinguzi bw'omutaano omuri ibara kicweka, kutebeekanisiza omwaka musya gw'amaani, ogw'obusinguzi n'emigisha.

✔ Taata ow'omu iguru, ninsiga embibo z'ekishushani ky'oburangi n'okworekyererwa omu magara gangye. Reka embibo ezi zikore nk'okushururirwa okurikwera, okushoborokyerwa, hamwe n'okwetegyereza, ekirampitsye aha kigyendererwa n'omugisha omu mwaka musya ogurikwija, omu iziina rya Yesu.

✔ Taata ow'omu iguru, nimbyara embibo z'obusingye, amatsiko, hamwe n'okushemererwa kw'omutaano omu mutima gwangye, n'omu ka. Reka embibo ezi zeeyorekyere n'amaani omu magara gangye, garikureetamu obusingye oburikurenga aha kwetegyereza kwona omu mwaka musya ogurikwija.

- ✔ Taata ow'omu iguru, ninsiga embibo z'ekigyendererwa, amaani hamwe n'obutungi omuri ibara kicweka ky'amagara gangye. Reka embibo ezi zikore nk'eigyesha ry'okukunda kwawe, ekiriyo kirikukorerwa omu magara gangye, n'okureeta emigisha nyamwingi omu mwaka musya ogurikwija, omu iziina rya Yesu.

**31 MUZIMBEEZI - 01
BIRUURU/ ESHAARA
EZ'OKUTAMBUUKA
OMWAKA KUZA
OMU GUNDI**

**31 Muzimbeezi/
31ST DECEMBER
Ekicweka ky'akasheeshe**

- ✔ Taata ow'omu iguru, ninkusiima ahabw'ekiconco ky'ekiro eki ekirikuhereruka omu mwaka. Yebare ekiconco ky'omwaka ogu ndiyo ninteera amabega. Ninkusiima ahabw'okundinda nkaguma mpuriire, kandi ndi omusinguzi omuri ogu mwaka oguriyo niguhendera. Ibara kutaahirirwa kwona, ebirikungarura enyima, hamwe n'okuremesibwa byona nimbishazamu. Nimpendera omwaka ogu n'obujurizi n'omugisha.
- ✔ Mukama Yesu, nindekura enaku yoona, ibara busaasi, na buri kinteganiise omu mwaka ogu, nimbita omu mikono yaawe. Reka ekyanfeereire kyona kigarukyehe, na buri ekyansaasize kyona kihindukyemu okushemererwa n'obujurizi.

- ✔ Taata, nincwekyereza ibara itambiro, omukyeeno, hamwe n'omurimo gwona ogwayenzire kusingira okugyenda omu maisho kwangye. Ibara mukingo gwa Sitaane, n'omuze gw'okusyaraara omu magara gangye, hati gwasheeniyagurwa ahabw'amaani g'O musharaba.
- ✔ Mukama, nindangirira okugarurwaho kw'omugisha ogwanyibirweho, emigisha yangye eyakyerereze ibwe, hamwe n'embibo ezitarakuzire. Buri kimwe eki omuzigu yagyerizeho kunyihaho kigarukire kiteezibwemu kabiri, omwaka ugu gutakahwaire.
- ✔ Taata ow'omu iguru, ninkusiima ahabw'obusinguzi bwona, n'ahabw'enyigi eziigukire omwaka ugu. Reka okusiima kwangye kurugire kimwe aha ntango

y'omutima gwangye, n'okweta
omugisha omuhango, n'okuheebwa
ebikuru omu magara gangye.

✔ Mukama Yesu, nindagira okwehayo
omuri ibara kicweka ky'amagara
gangye. Reka purogyekiti ezibaire
zeemereire, enteekateeka ezibaire
zikyererezeibwe, hamwe n'emirimo
ebeire esyariire, etandikye egyende
omu maisho. Reka omugisha gube
ahariinye.

✔ Taata, ninyeta aha muryango
gw'omwaka musya. Reka ibara
kishushani, ekirooto, hamwe
n'ekigyendererwa ebi waateire
omuriinye bireebwe hati
bishoboookire, n'omugisha, hamwe
n'omuhimbo gutarikwemerezibwa.

- ✔ Mukama, ninshazamu okutiina,
okubaangaanisa, okubuzabuzibwa,
hamwe n'okutaahirirwa Sitaane,
byona ebibaasize kunteganisa omu
muhandu gwangye omwaka ugu.
Reka okwehayo, okugira okuhama
hamwe n'obwengye bw'omu iguru,
biimuke omuriinye naaba ndiyo
nintaaha omu mwaka musya.
- ✔ Taata, nindekura amagara gatari ga
butoosha, amaani aha mubiri
gwangye, ebiteekateeko, hamwe
n'omutima gwangye. Ibara burwaire,
obweremwa, hamwe n'oburuhe
eby'omwaka ugu bihweho hati.
Ninyimuka n'amaani
ahabw'okutaaha omu mwaka musya.

- ✔ Mukama Yesu, nindangirira omugisha aha ka yangye, ekika kyaitu, emikago yangye, esente zangye, omurimo gwangye, hamwe n'ekitongore kyangye. Reka obusingye, obumwe, rukundo, hamwe n'obureeberezi bw'omutaano bisangire ibara kicweka ky'amagara gangye.
- ✔ Taata ow'omu iguru, reka ibara kugyezibwa, okurikunteganisa hamwe n'ebirikundemesa eby'omu mwaka ogu, bihindukye omusingye gw'okutunguurwa kwangye, obujurizi n'okugyenda omu maisho. Reka ebibaire nibimpinda bihindukye amatembezo g'okugyenda omu maisho.

- ✔ Mukama, nindangirira nk'omurangi aha shaaha ezirikushembayo ez'omwaka ogu, ibara nteekateeka ya Sitaane, omukyeeno, hamwe n'ebibaire nibindemesa byona byashazibwamu. Nintaaha omu mwaka musya ndi omusinguzi okutakareebwaga, nyine amaani, nyiniire kimwe omugisha, kandi ntarikubaasa kwemerezibwa. Omu iziina ery'amaani erya Yesu. Amiina.

Ekicweka ky'omwabazyo

- ✔ Taata ow'omu iguru, ninkusiima obwa kandi, kureeba ngu ndiyo nimpika aha kuhendera omwaka. Yebare kunkunda n'okumpitsya aha ahu mpikire.

Ninkusiima ahabw'ekiconco ky'eka,
banywani bangye, hamwe
n'omurimo ogu ndikukora nkaihamu
eby'okuntunga.

✔ Omu iziina rya Yesu, ninyimutsya
eiraka ryangye, ndangirira ngu
tihakiriho maani g'omwirima
agaraagarukye kungiraho
obushoboorozi, kubugira aha ka
yangye, aha mwoga gwangye, nari
n'aha mugisha gwangye. Ibara
mukyeeno, omurimo ogumpairwe,
n'enteekateeka mbi ebibaire
byorekyereire kundwanisa omwaka
ogu, hati byacwekyerezibwa.

✔ Mukama Yesu, nincwa ibara
rujegyere, ibara mutwaro, na buri
kirikundemesa, hamwe na ibara
buremeezi ebyagyerizeho
kukyerereza okugyenda omu maisho
kwangye.

Nindangirira ku naagira obusingye obwijwire, okugyenda omu maisho, hamwe n'obuganzi ahari ibara kicweka ky'omibiri gwangye.

- ✔ Taata, nincwekyerereza kimwe ibara itambiro ry'okukyerererwa, ry'okusyaraara, ery'obworo, ery'endwara, ery'okuremwa, n'ery'okuribatiirirwa. Reka emyanya y'amaani ei Sitaane yaateireho kubonabonesa amagara gangye, esente zangye, eka yangye, hamwe n'omugisha gwangye esheenyagurwe ahabw'amaani g'Omusharaba.

- ✔ Mukama, nindwanirira okugarurwaho kw'obuteeka. Buri kimwe ekyafiire, ibara kyagarukire enyima, ibara mugisha ogwaibirwe, hamwe na ibara mugabo

ogwakyererezeibwe, okungarurirwa
guteezeibwemu kabiri omwaka
gutakahwaire.

✔ Taata ow'omu iguru, nindangirira
obuganzi aha murimo gwangye, aha
bushuubuzi bwangye, aha kitongore
kyangye, aha mishomo yangye,
hamwe n'emirimo erikumpeebwa.
Reka baamaraika b'okuha emyanya,
entebeekanisiziibwe, hamwe n'enyigi
eziigwire binyetooroore,
n'okumpamiza ku naataaha omu
shaaha z'okuhendera hatariho
ekirikunteera aha mukono, nari
kundemesa.

✔ Mukama Yesu, ninshazamu ibara
kirikuntiinisa, okushoberwa,
okubaangaanisa, hamwe
n'okuteganisibwa omu magara
gangye.

Nindangirira omuhimbo, okwehayo,
okushoboorokyerwa, hamwe
n'obwengye bw'omu iguru
kunyijamu naaba ndiyo
nintebeekanisa kutaaha omu mwaka
musya.

✔ Taata, ninyimutsya obushoboorozi
bw'oburangi aha magara gangye
g'omu maisho. Reka ibara
kishushani, ekirooto,
ekigyendererwa, n'omurimo ogu
waateire omu magara gangye
bitandikye kweyoreka n'amaani,
obuganzi, hamwe n'entebeekanisa
y'omutaano.

✔ Mukama, ninshazamu ibara
ntebeekanisa y'omuzigu
eyaagyerizeho kuguma enkomire
omu by'omutima, eby'esente, nari
omu by'okukoragana.

Ibara rwingi orukingire nirwija
kwigurwa, kandi na ibara murimo
ogwine akakwate n'okukunda kwawe
nigwija kusingura, okurenga n'oku
kirikuteekateekwa.

- ✔ Taata ow'omu iguru, nindangirira
amagara marungi g'omutaano,
hamwe n'amaani aha mubiri
gwangye, obwengye bwangye
hamwe n'omutima. Reka oburuhe,
oburwaire, obweremwa, hamwe na
ibara muringo gw'ebibaire
bitarikugyenda gye kuruga omu
mwaka ugu bihweho. Reka
nyimukire kimwe n'amaani
ahabw'okuranga n'okuheereza
obujurizi.

- ✔ Mukama Yesu, nindekura obushoboorozi aha sente zangye, emirimo yangye, hamwe n'emihanda yangye y'entaasya. Reka ibara mbibo eyasigiirwe omu kwikiriza eyane ebijuma okurenga n'ekigyro. Reka obworo, eibura, hamwe n'ebirikuremesa, bihungye obushoboorozi bw'eiziina ryawe.
- ✔ Taata, nincwa ibara rujegyre rw'okuribatiirirwa, okutaahirirwa Sitaane, hamwe n'okuremesibwa ebya bakuru. Reka eshagama ya Yesu enshangire hamwe n'eka yangye, kandi orekye baamaraika bandwanirire ibara rugamba naaba ndiyo nintaaha omu mwaka musya.

✓ Mukama, nindangirira aha shaaha y'okuhereruka: kureeba ngu ibara ntebeekanisa mbi y'omuzigu aha magara gangye, omugisha gwangye, esente zangye hamwe n'eka yangye kureeba ngu byacwekyerezibwa. Reka eshaaha z'okuhendera omwaka ogu ziituruurukye n'obuganzi, okugyenda omu maisho, okugarurwa busya, hamwe n'obujurizi oburikwera. Nyeteekateekire kutambuuka n'obusinguzi omu mwaka musya. Omu iziina rya Yesu ery'amaani, Amiina.

**EKICWEKA
KY'OKUTAMBUUKA
OMWAKA KUZA
OMU GUNDI - EKIRO
5:30 - 5:59.**

**A. OKWIGURA
N'OKWOREKA OKUSIIMA**

- ✠ Taata ow'omu iguru, omu iziina rya Yesu, yebare kundeeta buhooro kuhika aha muheru gw'ogu mwaka. Kuruga omuri Biruuru kuhika omuri Muzimbeezi, kuraba omu mahunga n'omu mushana, kuraba omu ngamba n'omu migisha, Ogumire onkwatsire omukono. Ninkuheereza ekitiinwa kyona.

- ❖ Mukama Yesu, yebare oburinsi obu wampaire omwaka ugu, obusinguzi obu naareebire, abo abu ntarabaasize kureeba, akabi aku wankingiire, eby'okutangaaza ebi waanyorekire, hamwe n'amaani agu waabibire omuriinye. Otwire ori omwesigwa.
- ❖ Taata ninkusiima ahabwa ibara kyegyeso kyawe, ibara rwigirwira, ibara kukyeerererwa okwantambiire, ibara mugisha ogwanyimukize, ibara buremeezi obu naareebire. Otwire ori omurinsi wangye, omwebembezi, engabo yangye, kandi amatsiko gangye.

*Yongyeraho eshaara zaawe ezi
orikweyihira omu mutwe, nari ezindi
shaara ezi orikusiima kushaba omu
kaire aka.*

B. OKUHIMBISA KW'OMU ITUMBI

- ✦ Mukama, nk'oku naaherize kutambuuka omwaka omukuru n'okutaaha omu musya, ninyimutsya eiraka ryangye kukusingiza. Niiwe Butandikiro owampeekire okumpitsya obwire obu, kandi niiwe Muheru, oraije kuntwara kuraba omuri ogu mwaka musya, n'emyaka endiiho erikweyongyeraho. Yaakiira okusiima kwangye.
- ✦ Taata, ninkusingiza ahabw'okuba ogu mwaka musya guri omu mikono yaawe. Ninkusingiza ahabw'okuba Iwe waaherize kunyebembera, nootebeekanisa eby'okutangaaza, orikukiza endwara, orikugarura ebintu busya, hamwe n'okugamba na Ruhanga.

❖ Mukama Yesu, ninkusingiza ahabw'okuba n'obu haakuba haabaireho ki omwaka ogu, tokampungahoga. Ninkusingiza ahabw'okuba omwaka ogu nigwija kworekyera kimwe oburungi bwawe, embabazi zaawe, hamwe n'ekitiinwa kyawe omu magara gangye.

Heereza Ruhanga ekitiinwa kye hamwe n'okuhimbisa omu bigambo byawe wenka. Twara edaakiika 30 nari n'okweshumbaho orikuhimbisa Ruhanga.

**C. ESHAARA 21
Z'OKURANGIRIRA
N'AMAANI
AHABW'OMWAKA MUSYA**

*Ebi bigambe n'okwehayo,
mporampora, kandi n'okwikiriza.
Ibara kimwe nikihika aha burugo
bw'omugisha.*

- ❖ Taata ow'omu iguru, omu iziina rya Yesu, nintaaha omuri ugu mwaka musya n'amaani n'omuhimbo, kandi nshwekirwe embabazi za Ruhanga. Tihariho ky'okurwanisa ekiheetsirwe kundwanisa ekirimbaasa.
- ❖ Mukama, nindangirira ngu ugu mwaka musya tigurikwija kugarukwamu ebyabaire nibinteganisa omwaka oguhwaire. Nincwa ibara kimwe eky'omu mwaka omukuru, ntyo nze omu ntandikwa y'omwaka musya ehaasiriirwe eiguru.

- ✦ Nindangirira ngu enyigi ezaabaire zitwire zindemeise enyimaho, niziza kunyigurira omwaka ogu, ahabw'omuriro n'ahabw'obuganzi.
- ✦ Taata, nindangirira okugyenda omu maisho. Ekyabaire kitwire emyaka nikiza kutwara ameezi. Ekyatwire ameezi nikiza kutwara zaawiiki. Ekyatwire zaawiiki nikiza kutwara ebiro.
- ✦ Omu iziina rya Yesu, nindagira ibara rujegyere orutarikureebwa kuruga omu mwaka oguhwaire kucweka. Ninyangira kimwe kutaaha omu shumi nsya egi nkomirwe.
- ✦ Mukama, nintaaha omu magara masya. Oburwaire, obusaasi, ebirikurutsya, n'emiringo y'endwara zitarikukira, tibirikuza kunkurata omu mwaka musya.

- ❖ Taata, heereza omugisha omurimo gw'emikono yangye. Reka omwaka ugu gube omwaka gw'okutunga ebintu bitari bya buriiho, okutunga emihanda y'esente eteeteekateekirwe, hamwe n'enyigi ziigwire.
- ❖ Mukama Yesu, reka omwaka ugu gube omwaka gw'okukora emikago: abahwezi, abashomesa, abahagizi, n'emihanda y'okurabamu kutunga emigisha.
- ❖ Nindangirira ngu amagara gangye g'omutima nigaija kwimuka n'omuriro. Amagara gangye g'okweshengyereza nigaija kweyongyera. Okugirira Ruhanga enjara nikwija kweyongyera. Okusiigwa kwangye nikwija kuteezamu kabiri.

- ❖ Taata, nindangirira obusingye omu mutima gwangye, omu ka yangye, omu nju yangye n'omu muhanda gwangye. Tihariho eihunga ryona kuruga omu mwaka oguhwaire eriraataahe omuri ugu mwaka musya.
- ❖ Mukama, ibara rugamba oru naayeshumbire omwaka ugu, tirurigaruka kwimuka bundi. Ibara muzigu owampiigire naija kugwa. Ibara mwambi niguza kugarukira nyakugurasha.
- ❖ Nindangirira ngu omwaka ugu nigwija kuba gwijwiremu obujurizi. Ninyija kureeba ebirikutangaaza, ebiteekateeko bikuru, n'obubangizi bwa Ruhanga.

- ❖ Taata, omwaka ogu gukore omwaka gw'okugarura ebintu busya.
Ekyanfeereire, noiya kukingarurira.
Ekyamburiire, noiya kukigaruraho.
Eki naabaire nindizibwa, noiya kukizoora.
- ❖ Mukama Yesu, reka omugisha gwangye gwimukye. Reka ibara kiconco ekiri omuriinye kireebekye.
Reka buri kirungi kyangye ekitwire kiziikirwe kizookye.
- ❖ Nindangirira omugisha gw'okurindwa. Eka yangye, enyu yangye, obutumwa bwangye, orugyendo rwangye, hamwe na zaapurogyekiti zangye bishwekirwe eshagama ya Yesu.

- ❖ Taata, omwaka ogu ninyija kugyendera omu busingye, okushoboorokyerwa, omu buryo hamwe n'okwetegyereza. Okushoberwa ti kukiri mugabo gwangye.
- ❖ Mukama, nindangirira obusinguzi ahari ibara mbeera eyaabaire endemeise omu mwaka oguhwaire. Hati ebyo byona mbisingwire ahabw'amaani g'O musharaba.
- ❖ Nindangirira omwaka ogu nigwija kureeba nintunga obusinguzi bw'amaani. Eiziina ryangye niriija kugambwa omu bishengye by'omugisha. Ebigyere byangye nibiza kuribata omu myanya y'obuganzi.

- ❖ Taata, nindangirira ngu okukyererezibwa kwona kuhwaireho. Ibara kusyaraara kumazirweho. Ibara ekibaire kiremeireho kihwerekyerezeibwe. Ningyenda omu maisho n'amaani.
- ❖ Mukama, ningyendera omu kushemererwa. Okushemererwa okuri kwo. Okushemererwa okw'omunda. Okushemererwa okutarikutengyesibwa. Okushemererwa okutarikubaasa kwibwa, kuhendwa, nari kuheebwa obutwa.
- ❖ Kandi eky'aha muheru, Taata, omu iziina rya Yesu, nindangirira ngu ogu mwaka musya, niguza kuba omwaka gwangye gw'okwijurizibwa. Tindikwija kufa. Tindikwija kuremwa.

D. OKURANGIRIRA OKURIKUHENDERA

Taata, omu iziina rya Yesu,
ninkingaho omwaka ogu n'eshagama
ya Yesu. Buri kimwe eki ndaangiriire
nikiija kugumaho. Buri kimwe eki
nshabire nikiza kubaho. Buri kimwe
eki ompandiikiire nikiija kurabaho.
Ogu n'omwaka gwangye
gw'obusinguzi, kuhika aha
kigyendererwa, kukizibwa, hamwe
n'okuzindukirwa okw'omutaano.
Amiina.

KIBANZA
BIRUURU – EKIRO
KY'OKUBANZA
KY'OMWAKA MUSYA

***Shaba obwire bwona
omu izooba***

ESHAARA 21Z'OKUSIIMA, OKWOMBKA OKWIKIRIZA, OKUHENDERA, HAMWE N'ESHAARA Z'OMWAKA MUSYA.

ESHAARA Z'OKUSIIMA

- ✦ Taata ow'omu iguru, omu iziina rya Yesu, ninkusiima ahabw'okunyimutsya aha izooba ry'okubanza ery'ogu mwaka musya. Amaisho gangye nigareeba, omwisyo gwangye guri omu bihaha byangye, omutima gwangye niguteera, n'omugisha gwangye gukiri omu ngaro zangye. sEkitiinwa ninkikugarurira.
- ✦ Mukama Yesu, ninkusiima ahabw'okunyikiriza kuribata omu mwaka ogu naabaire ntakahikamuga.

Tinkatwara omugisha ogu nk'ekintu kyorobi. Yebare ahabw'embabazi ezitwire zinshagatiire, hamwe n'obuganzi obu ntwire nyine.

✘ Taata, ninkusiima ahabw'entaro ezi ntwire nindwana, n'omwaka oguhwaire okutaamira. Amahunga agu mbaire nindabamu tigaraamizire. Okubaho kwawe kukampwera kuguma nyemereire. Buzima ninsiima.

✘ Mukama, aha izooba eri ery'okubanza, ninyimutsya eiraka ryangye ahabw'okusiima ibara mugisha, obusinguzi, okukizibwa, oburinzi hamwe n'obujurizi, ebi ompaire omu mwaka oguhwaire. Obaire omwesigwa.

❖ Taata ow'omu iguru, ninkusiima
ahabw'okuba enteekateeka ezi
onyineire omuri ogu mwaka musya
ni nungi, n'ez'obusingye,
z'omugasho, ziine amaani, kandi
zirimu amatsiko. Ninziikiriza nyine
amatsiko.

ESHAARA Z'OKUHAMYA OKWIKIRIZA

❖ Mukama Yesu, nindangirira ngu ogu
mwaka musya nigwija kunkwata gye.
Nigwija kumpeereza omugisha,
Nigwija kunyimutsya. Nigwija
kundaangirira. Nigwija kunyigurira
enyigi ezi naakubaire ntarikubaasa
kweyigurira.

- ❖ Taata, ninkihamya ngu ndiyo omu mwaka ogu n'amaani, n'okushoboorkyerwa, n'omuhimbo, ndikureeba ahu ndikuza, n'amaani maingi. Tihariho kujwanga okuraije kunkunkuratira.
- ❖ Mukama, ninyeteisa n'okwikiriza, ngu ogu n'omwaka gwangye gw'eshaara zangye kugarukwamu. Ekibaire kigumire kyaza kworoba. Ekibaire nikigyenda mpora kyaza kurahuka. Ekibaire kikingirwe kyaza kwiguka.
- ❖ Taata, nintaaha omuri ogu mwaka musya nk'omwana w'omugisha. Tindikwija kukoresa amaani gangye. Ninyija kugyendera omuri Mutima waawe. Ninyija kwiruka n'amaani gaawe. Ninyija kwimukira aha mukono gwawe.

- ❖ Mukama Yesu, ninkihamya ku nyetooroirwe obusingye bwawe, nyijwire okushemererwa kwawe, obwengye bunyebembeire, ninguma n'obuganzi okuraba omuri ugu mwaka gwona.

ESHAARA Z'OMWAKA MUSYA

- ❖ Taata ow'omu iguru, omu iziina rya Yesu, ninshaba okubaho kwawe aha mwaka musya ugu. Nza omu maisho. Gyenda naanye. Ndwanirira. Ngambirira. Nshweka.
- ❖ Mukama, ninshaba oburinzi bwawe. Hatabaho butandu, hatabaho oburwaire, eminyangararo, hatabaho okutaahirirwa Sitaane ebyampikaho omu mwaka ugu omusya. Nshwekirwe eshagama ya Yesu.

- ❖ Taata, ninshaba okwigurwa kw'enyigi. Reka buri mwanya ogu ndahikyemu omwaka ogu gumpeereze ekitiinisa, gunyakiire, kandi ngugiriremu obuganzi.
- ❖ Mukama Yesu, ninshaba obwengye oburikuruga ahari iwe ahabw'eki ndaaze kucwamu omu mwaka ogu. Ninyanga kukora enshobe, ebitahikire, nari okucwa bugufu okurikusaasa. Nyorekyerera omu migyendere yangye.
- ❖ Taata, ninshaba sipiidi y'okugyenderaho. Reka ogu gube omwaka ahu ebintu ebyakuba byakyererezeibwe hati bigyende. Reka endagaano ezaabaire zitegyereize zikorweho. Reka ebyabaire bitakarabiremu birugyeyo bigire omugasho.

- ❖ Mukama ninshaba abahwezi kuruga ahari Iwe. Reka abantu abaine omugasho bandeebe, bampe emikono, bampeereze omugisha, kandi bantunguure. Reka omugisha gw'emikago gurahukye kugira ahu gwampitsya.
- ❖ Taata, ninshaba okugarurirwaho busya. Ebyakuba byanfeereire omu myaka eyahwaire – obwire, obusingye, emigisha, emihanda y'entaasya, amaani – reka bigarukye biteerizemu kabiri.
- ❖ Mukama Yesu, ninshaba amagara marungi. Omubiri gwangye tigurikwija kuhwa amaani omwaka ugu. Eshagama yangye, amagufa gangye, ebicweka byangye by'omubiri, obwengye bwangye, hamwe n'amaani bikizire,

bigarwirwe busya, kandi bihairwe omwanya.

✠ Taata, ninshaba okuheebwa kuruga omu iguru. Reka ugu gube omwaka gw'okuheereza obujurizi omu by'esente. Reka ebiteekateeko, emigisha hamwe n'emihanda y'entaasya bishuume ahariinye hatariho ekirikubihinda.

+ Mukama, ninshaba obusinguzi kuruga omu iguru. Ibara mugongo ogubeire guremeireho niguragirwa kusimbuka nigurugaho. Buri irembo erikingire niriragirwa kwigurwa. Ibara mugisha ogusherekirwe niguragirwa kureebeka. Ibara rugamba orutwire obwire niruragirwa kuhendera.

✠ Taata ow'omu iguru, aha izooba eri ery'okubanza, ninta omwaka ogu gwona omu mikono yaawe. Reka gwijurwe ekitiinwa kyawe. Reka guboogye oburungi bwawe. Reka gugire eby'okutangaaza byawe. Reka gushuruure ekigyendererwa kyawe ahabw'amagara gangye. Nintaaha omu mwaka musya ogu n'okwikiriza, okwehayo, hamwe n'okusiima. Omu iziina ery'amaani erya Yesu, Amiina.

EBIGAMBO BY'OMUHIMBO AHABW'OMWAKA MUSYA

Ruhanga yaaherize kukwebembera

N'obu haakuba hariho oku
waateganisiibwe omwaka oguhwaire,
taaha omu mwaka musya ugu
orikukimanya ngu Ruhanga ebyawe
byona yaaherize kubitaahamu. Ahu
orikutiina kuhika, ebigyere bye
byahikireho. Gyenda otarikutiina.

Torikutandikira ahari busha

Nootandikira aha businguzi, aha
mugisha, eki orikumanya, obwengye,
hamwe n'okweta omu mwanya
oguhikire. Eiguru rikutiiremu
kihango ahabwawe kusingura
omwaka ugu.

Reka kurahukiiriza - gyenda na Ruhanga

Nihaija kubaho amaraka hamwe na puresha okukwetooroora. Kwonka omwanya omurungi, ni buriiho kuteera orutambwe rumwe enyima, obwo Ruhanga ayebembeire. Reka obusingye bukwebembere omu ky'oraaze kukora kyona.

Yesigye kutunga ebintu birungi

Ruhanga taaheereza abaana be omugisha gw'oburagarikira. Yesigye kugira okushemererwa, enyigi eziigwire, amakuru marungi, abahwezi barungi, hamwe n'obujurizi obuteeteeekateekirwe. Ebi orikwesiga kutunga nikwo kuranga kwawe.

Rinda omutima gwawe

Omwaka ugu, rinda okushemererwa kwawe, obusingye bwawe, rinda okwikiriza kwawe, obwengye bwawe, hamwe n'orugendo rwawe. Ti buri omwe oshemereire kugira omugisha gw'okureeba omu mutima gwawe. Toorana obusingye, kandi oburinde gye.

Shaba nangwa n'obu kyakuba kigumire

Amazooba agamwe noiya kuba otaine maani, oruhire, nari otaine muhimbo. Iwe shaba nk'oku oraabaase. Shaba omu biho waaba noobaasa, rira waaba nookisiima, huumuraho kyaba nikyetengyesa, kwonka otaryetaanisa na Ruhanga.

Amaisho gaawe gahangye Yesu

Noobaasa kuteetegyereza kimwe eki omwaka ogu gukwiniire. Baitu noomanya Ogwo ogukwatiriire. Reka ogume nooreeba, okwesiga kwawe kuhuriire, kandi n'omutima gwawe gubyairwe omuri Kristo. Tarikureebya na kakye.

Ekigambo Ekirikuhehendera

Ekitabo ky'eshaara eki omu ngaro zaawe, ninshaba ngu Mukama owakwebembeire kuraba omu mwaka oguhwaire, hati naija kukwebembera n'amaani agarikweshumbaho omu mwaka ogurikwija.

Buri shaara ei oraashome,
neekatuumeere ekahika owa
Ruhanga nk'obubaani. Okushaba
kwawe kwona nikukahikiirire. Buri
iziga ryawe nirikajukwe, na buri
kyetengo kyawe kikaheebwa
ekitiinisa, na buri rugamba
rukasingurwa.

*Taaha omuri ogu mwaka musya
n'omuhimbo*

Gyendera omu kwikiriza

*Gyenda oine eki oyorekyereire
kuhikaho*

*Gyenda n'omuriro gwa Mutima
orikwera gurikubugumira omu
mutima gwawe.*

***Kandi n’Omusharaba gwa Yesu
Kristo nigukagume guri engabo
yaawe, amaani gaawe, kandi
obusinguzi bwawe.***

Ninkutengyera omugisha

Ninkushabira kugira obusingye

***Ninkushabira okusingura
ebigumire***

***Kandi ninkutengyera
okushemererwa oku ondiijo muntu
atarikwihaho.***

Gyenda omu maisho.

Imuka oze ahaiguru.

Gyendera omu mbabazi

*Kandi n'eiguru nirikakuheereze
ekitiinisa ahu oraaze hoona*

Rev. Fr. Alexander Mwebembezi

**Mbarara Archdiocese,
Uganda - East Africa**

Testimonies



+256 769 391 762

Donate

Gift a book to many



A/C No. 3204978413
(Alexander Mwebembezi)



+256 776 688423
(Alexander Mwebembezi)



+256 706 398 126
(Alexander Mwebembezi)

For more books, Log on to:

www.fralexandermwebembezi.org

MoMo Pay

754 379

airtel Pay

6738107